



An Bhruiséil, 19 Deireadh Fómhair 2023
(OR. en)

14024/1/23
REV 1

Comhad Idirinstitiúideach:
2023/0301(NLE)

PECHE 430

NÓTA

ó:	Ardrúnaíocht na Comhairle
chuig:	na toscaireachtaí
Ábhar:	Togra le haghaidh RIALACHÁN ÓN gCOMHAIRLE lena socraítear na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt le haghaidh 2024 agus lena leasaítear Rialachán (AE) 2023/194 a mhéid a bhaineann le deiseanna iascaireachta áirithe in uiscí eile

Gheobhaidh na toscaireachtaí i gceangal leis seo leagan comhdhlúite den togra thuasluaite.

Iarrtar ar thoscaireachtaí an leagan comhdhlúite sin, lena n-áirítear an fhaisnéis a chuirtear ar fáil i bhfoirm páipéir leathoifigiúla, a fhíorú.

Ón bpointe seo ar aghaidh, is don leagan comhdhlúite seo ba cheart tagairt a dhéanamh i mbarúlacha eile.

N.B. Ar chúiseanna teicniúla níl aon athruithe rianaithe sa doiciméad seo.

Togra le haghaidh

RIALACHÁN ÓN gCOMHAIRLE

lena socraítear le haghaidh 2024 na deiseanna iascaireachta le haghaidh stoic éisc áirithe agus grúpaí stoc éisc is infheidhme i Muir Bhailt agus lena leasaítear Rialachán (AE) 2023/194 a mhéid a bhaineann le deiseanna iascaireachta áirithe in uiscí eile

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 43(3) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Ceanglaítear, le Rialachán (AE) Uimh. 1380/2013 ó Pharlaimint na hEorpa agus ón gComhairle¹, go nglactar bearta caomhnaithe agus an chomhairle eolaíoch, theicniúil agus eacnamaíoch a bhíonn ar fáil á cur san áireamh, lena n-áirítear, i gcás inarb ábhartha, tuarascálacha arna dtarraingt suas ag an gCoiste Eolaíoch, Teicniúil agus Eacnamaíoch um Iascach (STECF) agus ag comhlachtaí comhairleacha eile agus aon chomhairle a fhaightear ó chomhairlí comhairleacha.
- (2) Tá an Chomhairle le bearta a ghlacadh maidir le deiseanna iascaireachta a shocrú agus a chionroinnt, lena n-áirítear coinníollacha áirithe atá nasctha go feidhmiúil leis na deiseanna iascaireachta sin, de réir mar is iomchuí. Faoi Airteagal 16(4) de Rialachán (AE) Uimh. 1380/2013, socrófar deiseanna iascaireachta i gcomhréir le cuspóirí an Chomhbheartais Iascaigh (CBI) de réir mar a leagtar amach in Airteagal 2(2) den Rialachán sin. Faoi Airteagal 16(1) de Rialachán (AE) Uimh. 1380/2013, tá deiseanna iascaireachta le cionroinnt i measc na mBallstát ar dhóigh lena n-áirithítear cobhsaíocht choibhneasta ghníomhaíochtaí iascaireachta gach Ballstáit le haghaidh gach stoic nó iascaigh.
- (3) Dá bhrí sin, ba cheart na gabhálacha iomlána incheadaithe (TACanna) a bhunú i gcomhréir le Rialachán (AE) Uimh. 1380/2013, ar bhonn na comhairle eolaíche atá ar fáil, agus aird á tabhairt ar impleachtaí bitheolaíocha agus socheacnamaíocha agus cóir chothrom idir earnálacha iascaireachta á háirithiú, agus i bhfianaise na tuairimí a cuireadh in iúl le linn na gcomhairliúchán leis na páirtithe leasmhara.

¹ Rialachán (AE) Uimh. 1380/2013 ó Pharlaimint na hEorpa agus ón gComhairle an 11 Nollaig 2013 maidir leis an gComhbheartas Iascaigh, lena leasaítear Rialachán (CE) Uimh. 1954/2003 ón gComhairle agus Rialachán (CE) Uimh. 1224/2009 ón gComhairle agus lena n-aisghairtear Rialachán (CE) Uimh. 2371/2002 ón gComhairle, Rialachán (CE) Uimh. 639/2004 ón gComhairle agus Cinneadh 2004/585/CE ón gComhairle (IO L 354, 28.12.2013, lch. 22).

- (4) Le Rialachán (AE) 2016/1139 ó Pharlaimint na hEorpa agus ón gComhairle², bunaítear plean ilbhliantúil um na stoic trosc, scadán agus salán i Muir Bhailt agus um an iascach a shaothraíonn na stoic sin. Is é is aidhm don phlean sin a áirithiú go ndéanfaidh saothrú bheo-acmhainní bitheolaíocha na mara líon na speiceas atá á saothrú a athbhunú agus a chothabháil os cionn leibhéil ar a mbeifear in acmhainn an uastáirgeacht inbhuanaithe a tháirgeadh. Foráiltear le Rialachán (AE) Uimh. 1380/2013, i gcás stoic atá faoi réir pleananna ilbhliantúla sonracha, go bhfuil na deiseanna iascaireachta le socrú i gcomhréir leis na rialacha a leagtar síos sna pleananna ilbhliantúla sin.
- (5) I gcomhréir le hAirteagal 4(1) de Rialachán (AE) 2016/1139, tá na deiseanna iascaireachta le haghaidh na stoc a liostaítear in Airteagal 1 den Rialachán sin le socrú chun an bhásmhaireacht iascaireachta ar leibhéal na huastáirgeachta inbhuanaithe, arna shloinneadh ina raonta, a bhaint amach a luaithe is féidir agus, ar bhonn forchéimnitheach agus incriminteach, faoi 2020 ar a dhéanaí. Dá bhrí sin, ba cheart na teorainneacha gabhála is infheidhme in 2024 maidir leis na stoic ábhartha i Muir Bhailt a bhunú i gcomhréir le rialacha agus cuspóirí an phlean ilbhliantúil arna bhunú leis an Rialachán sin.
- (6) D'fhoilsigh an Chomhairle Idirnáisiúnta um Thaiscéalaíocht na Mara ('ICES') a comhairle bhliantúil stoic maidir le stoic Mhuir Bhailt an 31 Bealtaine 2023³.
- (7) Stoic áirithe a chumhdaítear le Rialachán (AE) 2016/1139, molann ICES gabháil nialasach ina leith nó measann sé nár leor gabháil nialasach, fiú, chun an dóchúlacht go dtitfeadh bithmhais na speiceas sin faoi bhun B_{lim} a choinneáil faoi bhun 5 %. Mar sin féin, dá mbunófaí na TACanna ar na leibhéil arna moladh, thiocfadh feiniméan an 'tachtspeicis' chun cinn de thoradh na hoibleagáide gach gabháil a thabhairt i dtír, lena n-áirítear foghabhálacha ó na stoic sin in iascaigh mheasctha. Is éard is 'tachtspeiceas' ann speiceas lena mbaineann easpa cuóta a d'fhéadfadh tabhairt ar shoitheach iascaireachta amháin nó níos mó scor den iascaireacht fiú más rud é go bhfuil cuótaí fós ag an soitheach nó ag na soithí sin le haghaidh speicis eile. Is iomchuí, dá bhrí sin, TACanna sonracha a bhunú le haghaidh fhoghabhálacha na stoc sin chun an chothromaíocht cheart a bhaint amach idir an t-iascach a choinneáil ar bun i bhfianaise na n-impleachtaí tromchúiseacha socheacnamaíocha a d'fhéadfadh a bheith ann mura ndéanfar amhlaidh, agus an gá atá le stádas maith bitheolaíoch a bhaint amach le haghaidh na stoc sin, agus aird á tabhairt ar an deacracht a bhaineann le hiascaireacht a dhéanamh ar gach stoc in iascach measctha ag an uastáirgeacht inbhuanaithe. Ba cheart leibhéal na TACanna foghabhála sin a shocrú chun a áirithiú go laghdófar ráta básmhaireachta na stoc sin, go gcuirfear dreasachtaí ar fáil chun feabhas a chur ar an roghnaíocht agus go ndéanfar foghabhálacha na stoc sin a sheachaint. Chun gabhálacha na stoc a laghdú a bhfuil TACanna foghabhála socraithe ina leith, ba cheart na deiseanna iascaireachta le haghaidh na n-iascach as a ngabhtar na stoic sin a shocrú ar leibhéil a chuideoidh le bithmhais na stoc leochaileach a athshlánú go leibhéil inbhuanaithe.
- (7a) De réir ICES, bíonn speicis á meascadh go pointe áirithe, ar a laghad, i bhformhór mór na n-iascach i Muir Bhailt⁴. Baineann an meascadh sin le speicis arna mbainistiú ag TAC de chuid an Aontais agus le speicis eile araon. Idir speicis pheiligeacha agus speicis ghrinnill a tharlaíonn an méid is tábhachtaí den mheascadh. Molann ICES gabhálacha nialasacha a dhéanamh ar scadáin ó Mhuir Bhailt Thiar, ar throisc ó Mhuir Bhailt Thoir agus ar bhradáin sa phríomh-imchuach in 2024. Thairis sin, i gcás scadáin na Boitnia agus scadáin ó Mhuir Bhailt Láir, measann ICES nach bhfuil sé indéanta an dóchúlacht go dtitfidh an bhithmhais faoi bhun B_{lim} a choinneáil níos lú ná 5 %. Ar deireadh, gabhálacha an-íseal a mholann ICES sa chomhairle réamhchúraim uaidh maidir le troisc ó Mhuir Bhailt Thiar. Dá bhrí sin, dá mbunófaí TACanna le haghaidh na stoc sin ar na leibhéil arna moladh ag ICES, bheadh ar shoithí a bhíonn ag iascach leathóg agus salán go háirithe scor den iascaireacht in 2024. Bunaithe ar shonraí ó EUMOFA, meastar gurb é EUR 24.5 milliún agus EUR 38.4 milliún faoi seach luach céad-díola na n-iascach leathóg agus salán a

² Rialachán (AE) 2016/1139 ó Pharlaimint na hEorpa agus ón gComhairle an 6 Iúil 2016 lena mbunaítear plean ilbhliantúil do na stoic troisc, scadáin agus salán i Muir Bhailt agus don iascach a shaothraíonn na stoic sin, lena leasaítear Rialachán (CE) Uimh. 2187/2005 ón gComhairle agus lena n-aisghairtear Rialachán (CE) Uimh. 1098/2007 ón gComhairle (IO L 191, 15.7.2016, lch. 1).

³ <https://doi.org/10.17895/ices.pub.c.6398177>

⁴ ICES Fisheries Overviews, Baltic Sea ecoregion [Forléargais Iascaigh ICES, Éiciréigiún Mhuir Bhailt] <https://doi.org/10.17895/ices.advice.21646934>

cheadaítear a ghabháil laistigh de theorainneacha na TACanna atá beartaithe⁵. Maidir le hiascaigh atá dírithe ar speicis nach bhfuil arna mbainistiú ag TAC de chuid an Aontais, go háirithe speicis eile leathógacha, bheadh ar go leor díobh, go háirithe iascaigh chósta ar mhionscála, deireadh a chur leis an iascaireacht in 2024. Is iomchuí, dá bhrí sin, TAC a bhunú le haghaidh fhoghabhálacha na ‘tachtspeiceas’ seo a leanas, faoi choinníollacha áirithe: scadáin na Boitnia, scadáin ó Mhuir Bhailt Thiar, scadáin ó Mhuir Bhailt Láir, troisc ó Mhuir Bhailt Thoir, troisc ó Mhuir Bhailt Thiar agus bradáin sa phríomh-imchuach.

- (8) Maidir leis an stoc troisc ó Mhuir Bhailt Thoir, measann ICES go bhfuil an bithmhais an stoic troisc ó Mhuir Bhailt Thoir fós faoi bhun an phointe tagartha teorann maidir le bithmhais an stoic sceite, leibhéal ar faoina bhun a d’fhéadfadh laghdú a bheith ar an acmhainneacht síolraithe (B_{lim}), agus gur ar éigean a tháinig méadú uirthi i gcomparáid le 2022. Dá bhrí sin, molann ICES den chúigiú bliain as a chéile gan aon troisc ó Mhuir Bhailt Thoir a ghabháil⁶. Sna himthosca sin, is iomchuí, de bhun Airteagal 16(4) de Rialachán (AE) 1380/2013, na hiascaigh spriocdhírithe atá dúnta agus na bearta ceartaitheacha a bhfuil baint fheidhmiúil acu leo a choinneáil ar bun, agus deireadh a chur san am céanna leis an eisceacht maidir le hiascaigh scadán sórtáilte atá ceaptha lena gcaitheamh ag an duine ó thréimhse an choiscthe le linn an tséasuir sceite, ós rud é go ndúnfar an t-iascach atá spriocdhírithe ar scadáin an láir. Ba cheart na deiseanna iascaireachta le haghaidh foghabhálacha dosheachanta a shocrú ar leibhéal íseal agus feiniméan an ‘tachtspeicis’ á sheachaint ag an am céanna.
- (9) Maidir leis an stoc troisc ó Mhuir Bhailt Thiar, rinne ICES a chomhairle⁷ maidir le comhairle réamhchúraim a íosghrádú mar thoradh ar éiginnteachtaí leanúnacha sa chomhairle. Is cosúil faoi láthair go bhfuil an stoc faoi bhun B_{lim} le formhór na 15 bliana seo caite agus go raibh sé ar leibhéal níos ísle ná riamh in 2022. Tá an chomhairle réamhchúraim maidir le gabhálacha an-íseal. Sna himthosca sin, is iomchuí, i gcomhréir le hAirteagal 16(4) de Rialachán (AE) 1380/2013, na hiascaigh spriocdhírithe atá dúnta agus na bearta ceartaitheacha a bhfuil baint fheidhmiúil acu leo a choinneáil ar bun, agus deireadh a chur san am céanna leis an eisceacht maidir le hiascaigh scadán sórtáilte atá ceaptha lena gcaitheamh ag an duine, ós rud é go ndúnfar an t-iascach atá spriocdhírithe ar scadáin an láir. Thairis sin, is iomchuí deireadh a chur le haon iascach áineasa. Ba cheart na deiseanna iascaireachta le haghaidh foghabhálacha dosheachanta a shocrú ar leibhéal íseal agus feiniméan an ‘tachtspeicis’ á sheachaint ag an am céanna.
- (10) Maidir le bradáin i bhforanna 22 go 31 ICES, lean ICES dá chomhairle maidir le gabhálacha nialasacha, chuir sé teorainn leis an bhféidearthacht leanúint d’iascaigh spriocdhírithe shamhraidh chósta d’fhoroinn 31 ICES agus laghdaigh sé a chomhairle maidir le gabhálacha dá réir⁸. Sna himthosca sin, is iomchuí, de bhun Airteagal 16(4) de Rialachán (AE) 1380/2013, an limistéar iascaireachta agus leibhéal na ndeiseanna iascaireachta a choigeartú i gcomhréir le comhairle ICES, agus na bearta ceartaitheacha a bhfuil baint fheidhmiúil acu leo a choinneáil ar bun.

⁵ Bunaithe ar shonraí ó Fhaireachlann an Mhargaidh Eorpaigh um Iascach agus um Tháirgí Dobharshaothraithe (EUMOFA) maidir leis an bpraghas céad-díola agus an méid a thugtar i dtír, arna meánú do na blianta 2019-2021 i gcás Ballstáit shonracha, agus an meán sin arna choinbhéartú ina phraghas céad-díola, arna iolrú ar deireadh faoin gcuóta arna leithdháileadh do Bhallstát do 2024.

Is é an praghas céad-díola an praghas atá ar éisc a thugtar i dtír agus a dhíoltar nó a chláraítear ag ionad ceant le ceannaitheoirí cláraithe nó le heagraíochtaí táirgeoirí. Dá bhrí sin, ní léiriú é an luach measta bunaithe ar an bpraghas céad-díola ach ar an luach ag an gcéad chéim den slabhra luacha.

⁶ <https://doi.org/10.17895/ices.advice.21820497>

⁷ <https://doi.org/10.17895/ices.advice.21820494>

⁸ <https://doi.org/10.17895/ices.advice.21820596>

- (11) Chun úsáid iomlán na ndeiseanna iascaireachta cósta a áirithiú i bhforoinn 32 ICES, tugadh isteach solúbthacht theoranta idirlimistéir do bhradáin idir foranna 22 go 31 ICES agus foroinn 32 ICES in 2019⁹. I bhfianaise na n-athruithe ar dheiseanna iascaireachta don dá stoc sin, is iomchuí an tsolúbthacht sin a choinneáil ar bun.
- (12) Toirmeasc a chur ar iascaireacht ar bhric gheala thar cheithre mhuirmhíle arna dtomhas ó na bonnlínte agus teorannú a dhéanamh ar fhoghabhálacha breac geal go 3 % den chomhghabháil breac geal agus bradán, bhí ról acu maidir le laghdú substaintiúil ar an míthuairiscíú nach beag a bhí ann roimhe sin ar ghabhálacha san iascach bradán, go háirithe iad siúd a thuairiscítí mar ghabhálacha breac geal. Is iomchuí, dá bhrí sin, na srianta atá ann cheana a choinneáil ar bun chun an míthuairiscíú a choinneáil ag leibhéal íseal.
- (13) Ba cheart bearta maidir le hiascaigh áineasa trosc agus bradán, agus bearta chun na stoic breac geal agus bradán a chaomhnú, a bheith gan dochar do bhearta náisiúnta níos déine faoi Airteagail 19 agus 20 de Rialachán (AE) 1380/2013.
- (14) Maidir le scadáin i Murascaill na Boitnia, laghdaigh ICES bithmhais an stoic atá faoi bhun an phointe tagartha anois ar faoina bun a bhfuil gníomhaíocht shonrach agus iomchuí bainistíochta le déanamh ($B_{trigger}$)¹⁰. Thairis sin, deir ICES gurb é 9 % an dóchúlacht go dtitfidh an stoc faoi bhun B_{lim} in 2025, fiú gan aon ghabháil in aon chor. Sna himthosca sin, is iomchuí na hiascaigh spriocdhírithé a dhúnadh de bhun Airteagal 4(6) de Rialachán (AE) 2016/1139 agus na deiseanna iascaireachta le haghaidh foghabhálacha dosheachanta a shocrú ar leibhéal íseal agus feiniméan an ‘tachtspeicis’ á sheachaint ag an am céanna.
- (15) Maidir le scadáin ó Mhuir Bhailt Thiar, measann ICES, cé gur tháinig méadú ar bhithmhais an stoic, nach bhfuil inti ach 71 % de B_{lim} ¹¹. Thairis sin, tá an earcaíocht fós ar leibhéal níos ísle ná riamh agus meastar nach n-athshlánófar an bhithmhais os cionn B_{lim} in 2025. Dá bhrí sin, molann ICES don séú bliain as a chéile gan aon scadán ó Mhuir Bhailt Thiar a ghabháil. Sna himthosca sin, is iomchuí, de bhun Airteagal 4(6) de Rialachán (AE) 2016/1139, na hiascaigh spriocdhírithé atá dúnta a choinneáil ar bun agus deireadh a chur leis an eisceacht maidir le hiascairí ar mionscála. Ba cheart na deiseanna iascaireachta le haghaidh foghabhálacha dosheachanta a shocrú ar leibhéal íseal agus feiniméan an ‘tachtspeicis’ á sheachaint ag an am céanna.
- (16) Maidir le scadáin ó Mhuir Bhailt Láir, measann ICES anois go bhfuil an stoc faoi bhun B_{lim} den chuid is mó le 30 bliain anuas, lena n-áirítear é a bheith faoina bhun le blianta beaga anuas¹². Thairis sin, fiú gan aon ghabháil in aon chor, is é 22 % an dóchúlacht go bhfanfaidh an stoc faoi bhun B_{lim} in 2025. Sna himthosca sin, is iomchuí na hiascaigh spriocdhírithé a dhúnadh de bhun Airteagal 4(6) de Rialachán (AE) 2016/1139 agus na deiseanna iascaireachta le haghaidh foghabhálacha dosheachanta a shocrú ar leibhéal íseal agus feiniméan an ‘tachtspeicis’ á sheachaint ag an am céanna.
- (17) Maidir le scadáin i Murascaill Ríge, measann ICES go bhfuil an bhithmhais os cionn $B_{trigger}$ agus go bhfuil an brú iascaireachta ag F_{MSY} ¹³. Measann ICES freisin go meascann an stoc sin le scadáin ó Mhuir Bhailt Láir. Bunaithe ar mheastacháin ICES, cuireadh an meascadh sin san áireamh roimhe seo agus na deiseanna iascaireachta ar leith á socrú. Mar sin féin, i bhfianaise an stádais maidir leis an stoc scadán ó Mhuir Bhailt Láir, níor cheart an méid scadán ó Mhuir Bhailt Láir a aistríonn isteach i Murascaill Ríge a chur leis an TAC le haghaidh scadán i Murascaill Ríge le haghaidh 2024. Sna himthosca sin, is iomchuí na deiseanna iascaireachta a shocrú sa an raon is airde de F_{MSY} chun na héagsúlachtaí ó bhliain go bliain a theorannú go méid nach mó ná 20 % de bhun Airteagal 4(5), pointe (c), de Rialachán (AE) 2016/1139.

⁹ <https://doi.org/10.17895/ices.advice.21820602>

¹⁰ <https://doi.org/10.17895/ices.advice.21820521>

¹¹ <https://doi.org/10.17895/ices.advice.21907944>

¹² <https://doi.org/10.17895/ices.advice.23310368>

¹³ <https://doi.org/10.17895/ices.advice.21820512>

- (18) Maidir le leathóga, measann ICES go mbíonn troisc á bhfoghabháil in iascaigh leathóg¹⁴. Is iomchuí, dá bhrí sin, na deiseanna iascaireachta a shocrú le haghaidh leathóg dá réir sin de bhun Airteagal 4(4) de Rialachán (AE) 2016/1139.
- (19) Maidir le saláin, measann ICES nach raibh aon earcaíocht láidir ann ó bhí 2014 ann, cé go bhfuil an bhithmhais os cionn $B_{trigger}$ ¹⁵. Ina theannta sin, measann ICES go raibh an earcaíocht ar leibhéal níos ísle ná riamh in 2021 agus 2022. Thairis sin, is minic gur iascaigh mheasctha iad na hiascaigh salán, ina mbíonn scadáin freisin. Is iomchuí, dá bhrí sin, na deiseanna iascaireachta a shocrú le haghaidh scalán dá réir sin de bhun Airteagal 4(3) de Rialachán (AE) 2016/1139.
- (20) Tá úsáid na ndeiseanna iascaireachta a leagtar amach sa Rialachán seo faoi réir Rialachán (CE) Uimh. 1224/2009 ón gComhairle¹⁶, agus go háirithe Airteagal 33 de maidir le gabhálacha agus an iarracht iascaireachta a thaifeadadh agus Airteagal 34 de maidir le sonraí i ndáil le hídiú deiseanna iascaireachta a tharchur chuig an gCoimisiún. Ba cheart a shonrú sa Rialachán seo, dá bhrí sin, na cóid a bhaineann le stoic a thabhairt i dtír faoi réir an Rialacháin seo atá le húsáid ag na Ballstáit agus sonraí á seoladh chuig an gCoimisiún acu.
- (21) Le Rialachán (CE) Uimh. 847/96 ón gComhairle¹⁷, leagtar síos coinníollacha breise maidir le TACanna a bhainistiú ó bhliain go bliain, lena n-áirítear, faoi Airteagail 3 agus 4 dá chuid, forálacha solúbthachta le haghaidh stoic atá faoi réir TACanna réamhchúraim agus anailiseacha. Faoi Airteagal 2 den Rialachán sin, tá an Chomhairle le cinneadh, agus na TACanna á socrú aici, cé na stoic nár cheart feidhm a bheith ag Airteagail 3 ná 4 maidir leo, go háirithe ar bhonn stádas bitheolaíoch na stoc. Le hAirteagal 15(9) de Rialachán (AE) Uimh. 1380/2013 leagtar síos freisin an sásra solúbthachta ó bhliain go bliain le haghaidh na stoc uile atá faoi réir na hoibleagáide gabhálacha a thabhairt i dtír. Dá bhrí sin, chun solúbthacht iomarcach a sheachaint a bhainfeadh an bonn de phrionsabal shaothrú céillí freagrach bheo-acmhainní bitheolaíocha na mara, a chuirfeadh bac ar ghnóthú chuspóirí an Chomhbheartais Iascaigh agus a chuirfeadh meath ar stádas bitheolaíoch na stoc, ba cheart a chur in iúl go ríshoiléir nach mbeidh feidhm ag Airteagail 3(2), 3(3) agus 4 de Rialachán (CE) Uimh. 847/96 maidir le TACanna anailiseacha ach amháin i gcás nach mbaintear leas as an tsolúbthacht ó bhliain go bliain dá bhforáiltear in Airteagal 15(9) de Rialachán (AE) Uimh. 1380/2013.
- (22) Tá an bhithmhais maidir le troisc ó Mhuir Bhailt Thoir, troisc ó Mhuir Bhailt Thiar, scadáin ó Mhuir Bhailt Thiar agus scadáin ó Mhuir Bhailt Láir faoi bhun an B_{lim} . Tá an bhithmhais maidir le stoc scadán na Boitnia faoi bhun $B_{trigger}$ agus meastar go dtiocfaidh sí an-ghar do B_{lim} in 2024. Ní cheadaítear ach iascaigh foghabhála agus iascaigh eolaíocha i gcás na stoc sin uile in 2024. Dá bhrí sin, agus i bhfianaise athléimneacht réasúnta íseal éiceachóras Mhuir Bhailt, tá gealltanais tugtha ag na Ballstáit a bhfuil sciar cuóta de na TACanna ábhartha acu gan an tsolúbthacht ó bhliain go bliain dá bhforáiltear in Airteagal 15(9) de Rialachán (AE) Uimh. 1380/2013 a chur i bhfeidhm maidir leis na stoic sin in 2024, ionas

¹⁴ <https://doi.org/10.17895/ices.advice.21820533> agus <https://doi.org/10.17895/ices.advice.21820539>

¹⁵ <https://doi.org/10.17895/ices.advice.21820581>

¹⁶ Rialachán (CE) Uimh. 1224/2009 ón gComhairle an 20 Samhain 2009, lena mbunaítear córas rialaithe an Aontais chun comhlíonadh rialacha an chomhbheartais iascaigh a áirithiú, lena leasaítear Rialachán (CE) Uimh. 847/96, (CE) Uimh. 2371/2002, (CE) Uimh. 811/2004, (CE) Uimh. 768/2005, (CE) Uimh. 2115/2005, (CE) Uimh. 2166/2005, (CE) Uimh. 388/2006, (CE) Uimh. 509/2007, (CE) Uimh. 676/2007, (CE) Uimh. 1098/2007, (CE) Uimh. 1300/2008 agus (CE) Uimh. 1342/2008, agus lena n-aisghairtear Rialachán (CEE) Uimh. 2847/93, (CE) Uimh. 1627/94 agus (CE) Uimh. 1966/2006 (IO L 343, 22.12.2009, lch. 1).

¹⁷ Rialachán (CE) Uimh. 847/96 ón gComhairle an 6 Bealtaine 1996 lena dtugtar isteach coinníollacha breise maidir le TACanna agus cuótaí a bhainistiú ó bhliain go bliain (IO L 115, 9.5.1996, lch. 3).

nach rachaidh gabhálacha in 2024 thar na TACanna ábhartha. Thairis sin, i bhforanna 22-30 ICES, tá an bhithmhais maidir le gach stoc bradán sna haibhneacha faoi bhun an phointe tagartha teorann do tháirgeadh gealóg (R_{lim}) agus ní cheadófar ach iascaigh foghabhála agus eolaíoch in 2024. Dá bhrí sin, thug na Ballstáit ábhartha gealltanais comhchosúil maidir le solúbthacht ó bhliain go bliain i ndáil le gabhálacha bradán sa phríomh-imchuach in 2024.

- (23) [ionadchoinneálaí le haghaidh ‘troisc Ioruach’ - Le Rialachán (AE) 2023/194 ón gComhairle¹⁸ socraítear deiseanna iascaireachta le haghaidh an troisc Ioruach go dtí an 31 Deireadh Fómhair 2023 i roinn 3a ICES, in uiscí na Ríochta Aontaithe agus uiscí an Aontais i bhfolimistéar 4, agus in uiscí na Ríochta Aontaithe in 2a. Is ón 1 Samhain go dtí an 31 Deireadh Fómhair a bheidh an tréimhse iascaireachta le haghaidh troisc Ioruacha. Chun go bhféadfar tús a chur leis an iascach an 1 Samhain 2023, agus ar bhonn comhairle eolaíoch nua agus tar éis dul i gcomhairle leis an Ríocht Aontaithe, is gá TAC sealadach a shocrú le haghaidh troisc Ioruacha i roinn 3a ICES, in uiscí na Ríochta Aontaithe agus uiscí an Aontais i bhfolimistéar 4, agus in uiscí na Ríochta Aontaithe i roinn 2a ICES ó 1 Samhain 2023 go dtí an 31 Nollaig 2023. Ba cheart an TAC sealadach sin a shocrú i gcomhréir le comhairle ICES a foilsíodh an 9 Deireadh Fómhair 2023.¹⁹]
- (24) Le Rialachán (AE) 2023/194, socraítear deiseanna iascaireachta le haghaidh cadóg i bhfolimistéar 4, roinn 6a agus roinn 3a ICES (an Mhuir Thuaidh, Iarthar na hAlban, Skagerrak) le haghaidh 2023, bunaithe ar thoradh na gcomhairliúcháin iascaigh idir an tAontas, an Iorua agus an Ríocht Aontaithe le haghaidh 2024, mar atá doiciméadaithe sa Taifead Comhaontaithe, a síníodh an 9 Nollaig 2022²⁰. Chun a ráthú go mbainfear lánúsáid as deiseanna iascaireachta, is iomchuí foráil a dhéanamh maidir le socrú solúbtha a chur chun feidhme idir cuid de na limistéir TAC inarb é an stoc bitheolaíoch céanna atá i gceist. Is iomchuí, dá bhrí sin, solúbthacht idirlimistéir a thabhairt isteach maidir le cuótaí na mBallstát le haghaidh cadóg, is é sin suas le 10 % ón Muir Thuaidh go dtí uiscí an Aontais in Skagerrak-Kattegat.
- (25) Dá bhrí sin, ba cheart Rialachán (AE) 2023/194 a leasú dá réir.
- (26) Chun briseadh i ngníomhaíochtaí iascaireachta a sheachaint, ba cheart feidhm a bheith ag forálacha an Rialacháin seo a bhaineann le Muir Bhailt ón 1 Eanáir 2024. Mar sin féin, ba cheart feidhm a bheith ag an Rialachán seo maidir le troisc Ioruacha i roinn 3a ICES, in uiscí na Ríochta Aontaithe agus uiscí an Aontais i bhfolimistéar 4 ICES, agus in uiscí na Ríochta Aontaithe i roinn 2a ICES ón 1 Samhain 2023 go dtí an 31 Deireadh Fómhair 2024, ós rud é gurb é sin séasúr iascaireachta an troisc Ioruach. Ar chúiseanna práinne, ba cheart go dtiocfadh an Rialachán seo i bhfeidhm láithreach tar éis a fhoilsiú,

TAR ÉIS AN RIALACHÁN SEO A GHLACADH:

CAIBIDIL I

FORÁLACHA GINEARÁLTA

Airteagal 1 **Ábhar**

Leis an Rialachán seo, socraítear na deiseanna iascaireachta le haghaidh stoic éisc áirithe agus grúpaí stoc éisc i Muir Bhailt le haghaidh 2024 agus leasaítear deiseanna iascaireachta áirithe in uiscí eile arna socrú le Rialachán (AE) 2023/194.

¹⁸ Rialachán (AE) 2023/194 ón gComhairle an 30 Eanáir 2023 lena socraítear le haghaidh 2023 na deiseanna iascaireachta le haghaidh stoic éisc áirithe, is infheidhme in uiscí an Aontais, agus, i gcás soithí iascaireachta de chuid an Aontais, in uiscí áirithe nach uiscí de chuid an Aontais iad, chomh maith le deiseanna iascaireachta den sórt sin a shocrú le haghaidh 2023 agus 2024 le haghaidh stoic éisc áirithe dhomhainfharraige (IO L 28, 31.1.2023, lch. 1).

¹⁹ [Ionadchoinneálaí le haghaidh chomhairle ICES atá le foilsiú an 9 Deireadh Fómhair 2023].

²⁰ https://oceans-and-fisheries.ec.europa.eu/system/files/2022-12/2023-eu-no-uk-fisheries-consultations_en.pdf

Airteagal 2
Raon feidhme

1. Tá feidhm ag an Rialachán seo maidir le soithí iascaireachta de chuid an Aontais a oibríonn i Muir Bhailt.
2. Tá feidhm aige freisin maidir le hiascaigh áineasa i gcás ina dtagraítear go sainráite dóibh sna forálacha ábhartha.

Airteagal 3
Sainmhínithe

Chun críocha an Rialacháin seo, tá feidhm ag na sainmhínithe a leagtar síos in Airteagal 4 de Rialachán (AE) Uimh. 1380/2013.

Ina theannta sin, tá feidhm ag na sainmhínithe seo a leanas:

- (1) ciallaíonn ‘foroinn’ foroinn de chuid na Comhairle Idirnáisiúnta um Thaiscéalaíocht na Mara (ICES) de Mhuir Bhailt mar a shainítear in Iarscríbhinn III a ghabhann le Rialachán (CE) Uimh. 218/2009 ó Pharlaimint na hEorpa agus ón gComhairle²¹;
- (2) ciallaíonn ‘gabháil iomlán incheadaithe (TAC)’:
 - (a) in iascaigh atá faoi réir na díolúine ón oibleagáid gabhálacha a thabhairt i dtír dá dtagraítear in Airteagal 15(4) go (7) de Rialachán (AE) Uimh. 1380/2013, an chainníocht éisc a fhéadfar a thabhairt i dtír as gach stoc gach bliain;
 - (b) i ngach iascach eile, an chainníocht éisc a fhéadfar a ghabháil as gach stoc gach bliain;
- (3) ciallaíonn ‘cuóta’ an cion den TAC a chionroinntear ar an Aontas, ar Bhallstát nó ar thríú tír;
- (4) ciallaíonn ‘iascaigh áineasa’ gníomhaíochtaí iascaireachta neamhthráchtála lena saothraítear acmhainní bitheolaíocha na mara, le haghaidh áineasa, turasóireachta nó spóirt mar shampla;
- (5) ciallaíonn ‘measúnú anailíseach’ meastóireacht chainníochtúil ar threochtaí i gcás stoc ar leith, bunaithe ar shonraí maidir le bitheolaíocht agus saothrú an stoic sin, lena n-áirítear meastóireacht atá bunaithe ar athróga, ar sonraíodh le hathbhreithniú eolaíoch na sonraí sin go raibh siad de cháilíocht leordhóthanach chun comhairle eolaíoch a sholáthar;
- (6) ciallaíonn ‘TAC anailíseach’ TAC a bhfuil measúnú anailíseach ar fáil ina leith;
- (7) ciallaíonn ‘TAC réamhchúraim’ TAC nach bhfuil measúnú anailíseach ar fáil ina leith, agus a bhfuil measúnú bunaithe ar chur chuige an réamhchúraim ar fáil ina leith ina ionad sin nó nach bhfuil aon mheasúnú ar fáil ina leith.

²¹ Rialachán (CE) Uimh. 218/2009 ó Pharlaimint na hEorpa agus ón gComhairle an 11 Márta 2009 maidir le Ballstáit atá ag iascaireacht san Atlantach thoir thuaidh do thíolacadh staidrimh ar ghabháil ainmniúil (IO L 87, 31.3.2009, lch. 70).

CAIBIDIL II

DEISEANNA IASCAIREACHTA

Airteagal 4

TACanna agus cionrannta

Leagtar amach san Iarscríbhinn na TACanna, na cuótaí agus, i gcás inarb iomchuí, na bearta a bhfuil baint fheidhmiúil acu leo.

Airteagal 5

Forálacha speisialta maidir le cionroinnt na ndeiseanna iascaireachta

1. Beidh cionroinnt na ndeiseanna iascaireachta i measc na mBallstát a leagtar amach sa Rialachán seo gan dochar do na nithe seo a leanas:
 - (a) malartuithe arna ndéanamh de bhun Airteagal 16(8) de Rialachán (AE) Uimh. 1380/2013;
 - (b) asbhaintí agus ath-chionrannta arna ndéanamh de bhun Airteagal 37 de Rialachán (CE) Uimh. 1224/2009;
 - (c) gabhálacha breise arna gceadú faoi Airteagal 3 de Rialachán (CE) Uimh. 847/96 agus faoi Airteagal 15(9) de Rialachán (AE) Uimh. 1380/2013;
 - (d) cainníochtaí arna gcoinneáil siar i gcomhréir le hAirteagal 4 de Rialachán (CE) Uimh. 847/96 agus a aistríodh faoi Airteagal 15(9) de Rialachán (AE) Uimh. 1380/2013;
 - (e) asbhaintí arna ndéanamh de bhun Airteagail 105, 106 agus 107 de Rialachán (CE) Uimh. 1224/2009.
2. Déantar na stoic atá faoi réir TACanna réamhchúraim nó anailíseacha chun na TACanna agus na cuótaí a bhainistiú ó bhliain go bliain dá bhforáiltear i Rialachán (CE) Uimh. 847/96 a shainaithint san Iarscríbhinn a ghabhann leis an Rialachán seo.
3. Seachas i gcás ina sonraítear a mhalairt san Iarscríbhinn a ghabhann leis an Rialachán seo, beidh feidhm ag Airteagal 3 de Rialachán (CE) Uimh. 847/96 maidir le stoic atá faoi réir TAC réamhchúraim, agus beidh feidhm ag Airteagail 3(2) agus (3) agus 4 den Rialachán sin maidir le stoic atá faoi réir TAC anailíseach.
4. Ní bheidh feidhm ag Airteagail 3 agus 4 de Rialachán (CE) Uimh. 847/96 i gcás ina n-úsáidfidh Ballstát an tsolúbthacht ó bhliain go bliain dá bhforáiltear in Airteagal 15(9) de Rialachán (AE) Uimh. 1380/2013.

Airteagal 6
Coinníollacha maidir le gabhálacha agus foghabhálacha a thabhairt i dtír

Sainithnítear san Iarscríbhinn a ghabhann leis an Rialachán seo stoic na speiceas nach spriocspeicis iad laistigh de theorainneacha bitheolaíocha sábháilte dá dtagraítear in Airteagal 15(8) de Rialachán (AE) Uimh. 1380/2013 chun críocha an mhaolaithe ar an oibleagáid gabhálacha a chomhaireamh in aghaidh na gcútaí ábhartha dá bhforáiltear san Airteagal sin.

Airteagal 7
Dúnadh chun sceitheadh trosc a chosaint

1. Beidh toirmeasc ar iascaireacht le haon chineál trealamh iascaireachta i bhforanna 25 agus 26 ón 1 Bealtaine go dtí an 31 Lúnasa.
2. Ní bheidh feidhm ag an toirmeasc a leagtar síos i mír 1 sna cásanna seo a leanas:
 - (a) oibríochtaí iascaireachta ar chun críche imscrúduithe eolaíocha iad, agus chun na críche sin amháin, ar choinníoll go ndéantar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241;
 - (b) soithí iascaireachta de chuid an Aontais ar lú a bhfad iomlán ná 12 mhéadar agus a bhíonn ag iascaireacht le heangacha geolbhaigh, líonta fostúcháin nó traimlí, doruithe grinneallsocraithe, spiléir, sruthdhoruithe, doruithe láimhe agus trealamh díreoige nó gléasanna comhchosúla éighníomhacha i limistéir inar lú ná 20 méadar doimhneacht an uisce de réir na gcomhordanáidí ar an muirchairt oifigiúil arna heisiúint ag na húdaráis náisiúnta inniúla.
3. Beidh toirmeasc ar iascaireacht le haon chineál trealamh iascaireachta i bhforanna 22 agus 23 ón 15 Eanáir go dtí an 31 Márta, agus i bhforainn 24 ón 15 Bealtaine go dtí an 15 Lúnasa.
4. Ní bheidh feidhm ag an toirmeasc a leagtar síos i mír 3 sna cásanna seo a leanas:
 - (a) oibríochtaí iascaireachta ar chun críche imscrúduithe eolaíocha iad, agus chun na críche sin amháin, ar choinníoll go ndéantar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241;
 - (b) soithí iascaireachta de chuid an Aontais ar lú a bhfad iomlán ná 12 mhéadar agus a bhíonn ag iascaireacht le heangacha geolbhaigh, líonta fostúcháin nó traimlí, doruithe grinneallsocraithe, spiléir, sruthdhoruithe, doruithe láimhe agus trealamh díreoige, nó gléasanna comhchosúla éighníomhacha i limistéir inar lú ná 20 méadar doimhneacht an uisce de réir na gcomhordanáidí ar an muirchairt oifigiúil arna heisiúint ag na húdaráis náisiúnta inniúla;
 - (c) soithí iascaireachta de chuid an Aontais a bhíonn ag iascaireacht le dreidirí ar mhoilisc dhébhlaoscacha i bhforainn 22 i limistéir ar lú doimhneacht an uisce ná 20 méadar de réir na gcomhordanáidí ar an muirchairt oifigiúil arna heisiúint ag na húdaráis náisiúnta inniúla.
5. Áiritheoidh máistrí shoithí iascaireachta an Aontais dá dtagraítear i mír 2, pointe (b), agus mír 4, pointí (b) agus (c), go bhféadfaidh údaráis rialúcháin an Bhallstáit inniúil faireachán a dhéanamh ar a ngníomhaíocht iascaireachta tráth ar bith.

Airteagal 8

Bearta maidir le hiascaigh áineasa trosc i bhforanna 22 go 26

Beidh toirmeasc ar iascaigh áineasa trosc i bhforanna 22 go 26.

Airteagal 9

Bearta maidir le hiascaigh áineasa bradán i bhforanna 22 go 31

1. Beidh toirmeasc ar iascaigh áineasa bradán i bhforanna 22-31. Aon eiseamal den bhradán a gabhadh de thaisme, cuirfear ar ais san fharraige láithreach bonn é.
2. De mhaolú ar mhír 1, déanfar iascaigh áineasa bradán a cheadú faoi na coinníollacha carnacha seo a leanas:
 - (a) ní fhéadfar níos mó ná an t-aon eiseamal amháin de bhradáin a bhfuil a n-eite shaille gearrtha a ghabháil agus a choinneáil in aghaidh an iascaire áineasa in aghaidh an lae;
 - (b) tar éis dó an chéad bhradán a bhfuil a eite shaille gearrtha a ghabháil, scoirfidh an t-iascaire áineasa d'iascaireacht bradán ar feadh an chuid eile den lá;
 - (c) déanfar gach eiseamal d'aon speiceas éisc a choinnítear a thabhairt i dtír ina eiseamal iomlán.
3. De mhaolú breise ar mhír 1, ceadófar iascaigh áineasa bradán i bhforoinn 31 ón 1 Bealtaine go dtí an 31 Lúnasa i limistéir laistigh de cheithre mhuirmhíle arna dtomhas ó na bonnlínte.
4. Tá an tAirteagal seo gan dochar do bhearta náisiúnta níos déine faoi Airteagail 19 agus 20 de Rialachán (AE) Uimh. 1380/2013.

Airteagal 10

Bearta maidir leis na stoic breac geal agus bradán i bhforanna 22 go 32 a chaomhnú

1. Ní dhéanfaidh soithí iascaireachta de chuid an Aontais bric gheala a iascach thar cheithre mhuirmhíle arna dtomhas ó na bonnlínte i bhforanna 22 go 32. Nuair a bheifear ag iascaireacht bradán thar cheithre mhuirmhíle arna dtomhas ó na bonnlínte i bhforoinn 32, ní rachaidh foghabhálacha breac geal thar 3 % den ghabháil iomlán bradán agus breac geal a bheidh ar bord tráth ar bith nó a tugadh i dtír tar éis gach turais iascaireachta.
2. Beidh toirmeasc ar iascaireacht le spiléir ar bhric gheala nó bradáin thar cheithre mhuirmhíle arna dtomhas ó na bonnlínte i bhforanna 22 go 31.
3. Tá an tAirteagal seo gan dochar do bhearta náisiúnta níos déine faoi Airteagail 19 agus 20 de Rialachán (AE) Uimh. 1380/2013.

Airteagal 11
Tarchur sonraí

Nuair a sheolfaidh na Ballstáit sonraí a bhaineann le cainníochtaí stoc arna ngabháil nó arna dtabhairt i dtír chuig an gCoimisiún de bhun Airteagail 33 agus 34 de Rialachán (CE) Uimh. 1224/2009, úsáidfidh siad na cóid stoic a leagtar amach san Iarscríbhinn a ghabhann leis an Rialachán seo.

CAIBIDIL III
FORÁLACHA CRÍOCHNAITHEACHA

Airteagal 12
Leasú ar Rialachán (AE) 2023/194

Leasaítear Rialachán (AE) 2023/194 mar a leanas:

- (1) In Iarscríbhinn IA, Cuid B, in ionad thábla na ndeiseanna iascaireachta le haghaidh troisc Iorua (Trisopterus esmarkii) i roinn 3a ICES, in uiscí na Ríochta Aontaithe agus uiscí an Aontais i bhfolimistéar 4 ICES agus in uiscí na Ríochta Aontaithe i roinn 2a ICES, cuirtear an méid seo a leanas:

Speiceas:	an trosc Ioruach agus foghabhálacha gaolmhara				Limistéar:	3a; Uiscí na Ríochta Aontaithe agus uiscí an Aontais in 4; Uiscí na Ríochta Aontaithe in 2a (NOP/2A3A4.)
	Trisopterus esmarkii					
Bliain	2023		2024		TAC anailiseach Níl feidhm ag Airteagal 3(2) agus (3) de Rialachán (CE) Uimh. 847/96 Níl feidhm ag Airteagal 4 de Rialachán (CE) Uimh. 847/96	
An Danmhairg	46 929	(1)(3)	pro memoria (pm)	(1)(6)		
An Ghearmáin	9	(1)(2)(3)	pm	(1)(2)(6)		
An Ísiltír	35	(1)(2)(3)	pm	(1)(2)(6)		
An tAontas	46 973	(1)(3)	pm	(1)(6)		
An Ríocht Aontaithe	11 439	(2)(3)	pm	(2)(6)		
An Iorua	0	(4)	pm	(4)		
Oileáin Fharó	0	(5)	pm	(5)		
TAC	58 412					

- (1) Féadfaidh suas le 5 % den chuóta a bheith ina bhfoghabhálacha cadóg agus faoitíní (OT2/* 2A3A4). Foghabhálacha cadóg agus faoitíní arna gcomhaireamh in aghaidh an chuóta de bhun na forála seo agus foghabhálacha speiceas arna gcomhaireamh in aghaidh an chuóta de bhun Airteagal 15(8) de Rialachán (AE) Uimh. 1380/2013, ní rachaidh siad, i dteannta a chéile, thar 9 % den chuóta.
- (2) Ní fhéadfar an cuóta a iascach ach in uiscí na Ríochta Aontaithe agus uiscí an Aontais in 2a, 3a agus 4.
- (3) Ní fhéadfar é a iascach ach ón 1 Samhain 2022 go dtí an 31 Deireadh Fómhair 2023.
- (4) Bainfear úsáid as greille shórtála.
- (5) Bainfear úsáid as greille shórtála. Áirítear leis seo uasmhéid 15 % d'fhoghabhálacha dosheachanta (NOP/*2A3A4), nach mór a chomhaireamh in aghaidh an chuóta seo.
- (6) Ní fhéadfar é a iascach ach ón 1 Samhain 2023 go dtí an 31 Deireadh Fómhair 2024.

’;

- (2) In Iarscríbhinn IA, Cuid B, in ionad thábla na ndeiseanna iascaireachta le haghaidh cadóg (*Melanogrammus aeglefinus*) i bhFolimistéar 4 ICES agus in uiscí na Ríochta Aontaithe, Roinn 2a ICES, cuirtear an méid seo a leanas:

Speiceas:	An Chadóg	Limistéar:	4; Uiscí na Ríochta Aontaithe in 2a
	<i>Melanogrammus aeglefinus</i>		(HAD/2AC4.)
An Bheilg	363	(1) (2)	TAC anailiseach
An Danmhairg	2 495	(1) (2)	Tá feidhm ag Airteagal 8(2) den Rialachán seo
An Ghearmáin	1 588	(1) (2)	
An Fhrainc	2 768	(1) (2)	
An Ísiltír	272	(1) (2)	
An tSualainn	223	(1) (2)	
An tAontas	7 709	(1) (2)	
An Iorua	13 432	(3)	
An Ríocht Aontaithe	37 261		
TAC	58 402		
(1)	Coinníoll speisialta: a bhféadfar suas le 10 % de a iascach in uiscí na Ríochta Aontaithe, uiscí an Aontais agus uiscí idirnáisiúnta in 6a lastuaidh de 58°30' T (HAD/*6AN58).		
(2)	Coinníoll speisialta: a bhféadfar suas le 10 % de a iascach in uiscí an Aontais in 3a (HAD/*03A-C).		
(3)	A bhféadfar 11 182 tona de a thógáil in uiscí an Aontais (HAD/*04-EU). Gabhálacha a thógfear laistigh den chuóta seo, asbhainfear iad ó sciar na hIorua den TAC.		

Coinníoll speisialta: laistigh de theorainneacha na gcúotái seo, ní fhéadfar níos mó ná an chainníocht a thugtar thíos a thógáil sna limistéir seo a leanas:

Airteagal 13

Teacht i bhfeidhm agus cur i bhfeidhm

Tiocfaidh an Rialachán seo i bhfeidhm an lá tar éis lá a fhoilsithe in
Iris Oifigiúil an Aontais Eorpaigh.

Beidh feidhm aige ón 1 Eanáir go dtí an 31 Nollaig 2024.

De mhaolú ar an dara mír:

- (a) Beidh feidhm ag Airteagal 12, pointe (1), ón 1 Samhain 2023 go dtí an 31 Deireadh Fómhair 2024;
- (b) [ionadchoinneálaí].

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann na Comhairle
An tUachtarán

IARSCRÍBHINN

NA TACanna IS INFHEIDHME MAIDIR LE SOITHÍ IASCAIREACHTA DE CHUID AN AONTAIS I LIMISTÉIR ARB ANN DO TACanna INA LEITH DE RÉIR SPEICIS AGUS DE RÉIR LIMISTÉIR

Leis na táblaí seo a leanas déantar na TACanna agus na cuótaí a leagan amach (ina dtonaí beomheáchain, seachas i gcás ina sonraítear a mhalairt) de réir stoic agus na bearta a bhfuil baint fheidhmiúil acu leo.

Is tagairtí do limistéir ICES iad na tagairtí do limistéir iascaireachta.

Tagraítear do stoic éisc de réir ord aibítre ainmneacha eolaíocha an speicis.

Chun críocha an Rialacháin seo, cuirtear an tábla comparáideach seo a leanas, ina gcuimsítear ainmneacha Laidine agus gnáthainmneacha, ar fáil:

Ainm eolaíoch	Cód alpha-3	Gnáthainm
<i>Clupea harengus</i>	HER	An scadán
<i>Gadus morhua</i>	COD	An trosc
<i>Pleuronectes platessa</i>	PLE	An leathóg
<i>Salmo salar</i>	SAL	An bradán Atlantach
<i>Sprattus sprattus</i>	SPR	An salán

Tábla 1

Speiceas: An scadán <i>Clupea harengus</i>	Limistéar: Foranna 30-31 (HER/30/31.)
An Fhionlainn	820 ⁽¹⁾ TAC anailíseach
An tSualainn	180 ⁽¹⁾ Níl feidhm ag Airteagal 3(2) agus (3) de Rialachán (CE) Uimh. 847/96.
An tAontas	1 000 ⁽¹⁾ Níl feidhm ag Airteagal 4 de Rialachán (CE) Uimh. 847/96.
TAC	1 000 ⁽¹⁾

- (1) Go heisiach le haghaidh foghabhálacha. Ní cheadaítear iascaireacht spriocdhírithe faoin gcuóta seo.
- De mhaolú ar an gcéad mhír, féadfar oibríochtaí iascaireachta ar chun críche imscrúduithe eolaíoch a iad, agus chun na críche sin amháin, a dhíriú ar an scadán ar choinníoll go ndéanfar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241.

Tábla 2

Speiceas:	An scadán	Limistéar:	Foranna 22-24 (HER/3BC+24)
	<i>Clupea harengus</i>		
An Danmhairg	55 (1)	TAC anailíseach	
An Ghearmáin	218 (1)	Níl feidhm ag Airteagal 3(2) agus (3) de Rialachán (CE) Uimh. 847/96.	
An Fhionlainn	0 (1)	Níl feidhm ag Airteagal 4 de Rialachán (CE) Uimh. 847/96.	
An Pholainn	51 (1)		
An tSualainn	70 (1)		
An tAontas	394 (1)		
TAC	394 (1)		

- (1) Go heisiach le haghaidh foghabhálacha. Ní cheadaítear iascaireacht spriocdhírithe faoin gcuóta seo.
- De mhaolú ar an gcéad mhír, féadfar oibríochtaí iascaireachta ar chun críche imscrúduithe eolaíoch a iad, agus chun na críche sin amháin, a dhíriú ar an scadán ar choinníoll go ndéanfar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241.

Tábla 3

Speiceas:	An scadán	Limistéar:	Uiscí an Aontais i bhforanna 25-27, 28.2, 29 agus 32 (HER/3D-R30)
	<i>Clupea harengus</i>		
An Danmhairg	628 (1)	TAC anailíseach	
An Ghearmáin	167 (1)	Níl feidhm ag Airteagal 3(2) agus (3) de Rialachán (CE) Uimh. 847/96.	
An Eastóin	3 208 (1)	Níl feidhm ag Airteagal 4 de Rialachán (CE) Uimh. 847/96.	
An Fhionlainn	6 261 (1)		
An Laitvia	792 (1)		
An	833 (1)		

Liotuáin

An
Pholainn 7113 ⁽¹⁾

An
tSualainn 9 548 ⁽¹⁾

An
tAontas 28 550 ⁽¹⁾

TAC Ní bhaineann
le hábhar

⁽¹⁾ Go heisiach le haghaidh foghabhálacha. Ní cheadaítear iascaireacht spriocdhírithe faoin gcuóta seo.
De mhaolú ar an gcéad mhír, féadfar oibriochtaí iascaireachta ar chun críche imscrúduithe eolaíocha iad, agus chun na críche sin amháin, a dhíriú ar an scadán ar choinníoll go ndéanfar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241.

Tábla 4

Speiceas: An scadán <i>Clupea harengus</i>	Limistéar: Foroinn 28.1 (HER/03D.RG)
An Eastóin 16 862	TAC anailíseach
An Laitvia 19 652	Tá feidhm ag Airteagal 6 den Rialachán seo.
An tAontas 36 514	
TAC 36 514	

Tábla 5

Speiceas: An trosc <i>Gadus morhua</i>	Limistéar: Uiscí an Aontais i bhforanna 25-32 (COD/3DX32.)
An Danmhairg 137 ⁽¹⁾	TAC réamhchúraim

An Ghearmáin	54	(1)	Níl feidhm ag Airteagal 3 de Rialachán (CE) Uimh. 847/96.
An Eastóin	13	(1)	
An Fhionlainn	10	(1)	
An Laitvia	51	(1)	
An Liotuáin	33	(1)	
An Pholainn	159	(1)	
An tSualainn	138	(1)	
An tAontas	595	(1)	
TAC	Ní bhaineann le hábhar		(1)

(1)

Go heisiach le haghaidh foghabhálacha. Ní cheadaítear iascaireacht spriocdhírithe faoin gcuóta seo.

De mhaolú ar an gcéad mhír, féadfar oibríochtaí iascaireachta ar chun críche imscrúduithe eolaíocha iad, agus chun na críche sin amháin, a dhíriú ar an trosc ar choinníoll go ndéanfar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241.

Tábla 6

Speiceas:	An trosc <i>Gadus morhua</i>	Limistéar:	Foranna 22-24 (COD/3BC+24)
An Danmhairg	60	(1)	TAC réamhchúraim
An Ghearmáin	29	(1)	Níl feidhm ag Airteagal 3 de Rialachán (CE) Uimh. 847/96.
An Eastóin	1	(1)	
An Fhionlainn	1	(1)	
An Laitvia	5	(1)	

An Liotuáin	3	(1)
An Pholainn	16	(1)
An tSualainn	21	(1)
An tAontas	136	(1)
TAC	136	(1)
(1) Go heisiach le haghaidh foghabhálacha. Ní cheadaítear iascaireacht spriocdhírithe faoin gcuóta seo. De mhaolú ar an gcéad mhír, féadfar oibriochtaí iascaireachta ar chun críche imscrúduithe eolaíocha iad, agus chun na críche sin amháin, a dhíriú ar an trosc ar choinníoll go ndéanfar na himscrúduithe sin i gcomhréir leis na coinníollacha a leagtar amach in Airteagal 25 de Rialachán (AE) 2019/1241.		

Tábla 7

Speiceas: An leathóg		Limistéar: Uiscí an Aontais i bhforanna 22-32
<i>Pleuronectes platessa</i>		(PLE/3BCD-C)
An Danmhairg	8 105	TAC anailíseach
An Ghearmáin	900	Tá feidhm ag Airteagal 6 den Rialachán seo.
An Pholainn	1 697	
An tSualainn	611	
An tAontas	11 313	
TAC	11 313	

Tábla 8

Speiceas:	An bradán Atlantach <i>Salmo salar</i>	Limistéar:	Uiscí an Aontais i bhforanna 22-31 (SAL/3BCD-F)
-----------	---	------------	--

An Danmhairg	11 183	(1)(2)	TAC anailíseach
An Ghearmáin	1 244	(1)(2)	Níl feidhm ag Airteagal 3(2) agus (3) de Rialachán (CE) Uimh. 847/96.
An Eastóin	1 137	(1)(2)(3)	Níl feidhm ag Airteagal 4 de Rialachán (CE) Uimh. 847/96.
An Fhionlainn	13 945	(1)(2)	
An Laitvia	7 113	(1)(2)	
An Liotuáin	836	(1)(2)	
An Pholainn	3 393	(1)(2)	
An tSualainn	15 116	(1)(2)	
An tAontas	53 967	(1)(2)	
TAC	Ní bhaineann le hábhar		

(1) Arna shloinneadh de réir líon na n-iasc aonair.

(2) Go heisiach le haghaidh foghabhálacha. Ní cheadaítear iascaireacht spriocdhírthe faoin gcuóta seo.

De mhaolú ar an gcéad mhír, féadfar oibriochtaí iascaireachta ar chun críche imscrúduithe eolaíocha iad, agus chun na críche sin amháin, a dhíriú ar an mbradán Atlantach ar choinníoll go ndéanfar na himscrúduithe sin i gcomhréir iomlán leis na coinníollacha a leagtar amach in Airteagal 25 de Rialachán (AE) 2019/1241.

De mhaolú ar an gcéad mhír, ceadófar iascaireacht a dhéanamh ar an gcuóta seo i gcás soithí iascaireachta de chuid an Aontais i bhforoinn 31 ICES i limistéir laistigh de cheithre mhuirmhíle arna dtomhas ó na bonnlínte le linn na tréimhse ón 1 Bealtaine go dtí an 31 Lúnasa.

(3) Coinníoll speisialta: ní fhéadfar níos mó ná 450 eiseamal den chuóta seo a iascach in uiscí an Aontais i bhforoinn 32 (SAL/*3D32).

Tábla 9

Speiceas:	An bradán Atlantach <i>Salmo salar</i>	Limistéar:	Uiscí an Aontais i bhforoinn 32 (COD/3D32.)
-----------	---	------------	--

An Eastóin	1 040	(1)	TAC réamhchúraim
An Fhionlainn	9 104	(1)	
An tAontas	10 144	(1)	
TAC	Ní bhaineann le hábhar		

(1) Arna shloinneadh de réir líon na n-iasc aonair.

Tábla 10			
Speiceas: An salán		Limistéar:	Uiscí an Aontais i bhforanna 22-32
Sprattus sprattus			(SPR/3BCD-C)
An Danmhairg	16 948	TAC anailíseach	
An Ghearmáin	10 737	Tá feidhm ag Airteagal 6 den Rialachán seo.	
An Eastóin	19 681		
An Fhionlainn	8 872		
An Laitvia	23 770		
An Liotuáin	8 598		
An Pholainn	50 445		
An tSualainn	32 764		
An tAontas	171 815		
TAC	Ní bhaineann le hábhar		